



**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

5. De ardenti desiderio Christi anhelantis ad passionem

[urn:nbn:de:hbz:466:1-60091](#)

perfectissimis illius desiderijs vnta
ipſi perficienda commenda.

V. *De ardenti desiderio Christi anhelanti
ad passionem.*

I. **E**xpende quām ardens fuerit Filij
Dei patiendi desiderium ab ini-
tio Conceptionis , imò ab æterno,
quando acceptauit imperium Patris de-
perficiendo opere redemptionis hu-
manæ per mortem crucis : eò dubio
procul ardentius, quò clarius videbat,
id cessurum ad maximam Patris Ele-
ctorumque gloriam ; & quò tenerius
eundem , & propter ipsum , Electos
omnes diligebat, ita vt iam tunc totis
præcordiorum affectibus exclamare
videretur: desiderio desidero omnia,
quæ mihi ab æterno præfinita sunt, pa-
ti; illudi, flagellari, crucifigi, mori; absit
mihi gloriari , nisi in alapis, flagellis,
opprobrijs, morte crucis. O quam im-
mensa Christi in nos charitas, quæ, vt
copiosissima effet nostra redemptio,
impulit illum , non semel tantum pati
pro nobis , sed penè infinites voto ac
desiderio ! Redama sic amantem, se-
quere per exercitium perfectæ resig-
natio-

nationis ad passionem anhelantem.

II. Quanto feruore hoc desiderium suum renouârit , & centies iterârit, quotiescumq; Ierosolymam veniebat; loca, in quibus passus erat, oculis lusters abat: nempe montem Oliuarum, Caluariæ, vallem Iosaphat, montem Sion, palatum Caiphæ, prætorium Pilati, regiam Herodis; simulque omnia, & singula, quæ istuc passurus erat, in numero, pondere, & mensura, quasi coram cernebat, & viuacissimè apprehendebat. Quoties, quam feruenter se æterno Patri obtulerit ad illa omnia ; quæ æterno decreto præfinita sciebat, preferenda? Quam meritò & tu, quotiescumque vel arma passionis, vel imagines Christi patientis intuens, illius recordaris, heroica desideria, ardua quæque pro illius gloria promptè patienti, imò vltro appetendi, renoware deberes?

III. Quanto demum ex intimis præcordiorum medullis affectu hoc idem desiderium instaurârit, & millies frequentarit sub ipsum illud expectatisimum tempus, quo ex decreto Patris omnia, quæ de sua passione tot figurarum tenebris præfigurata, tot sacrificiorum umbris adumbrata, tot pro-

N. 3.

placitay

phetiarum inuolucris prædicta fuerant, erat compleatus? Quanto gaudio exultarit *virgines ad currendum viam suam.* Viam, in quam, passionis ac crucis, ad quam decurrentiam exultabundus in terras descendit è sinu Patris è dubio procul multo maiore alacritate & gaudio, quam ullus sanctorum Martyrum, quantumuis feruentium, ad tormenta pro ipso perferenda anhelarit? Renoua & tu desiderium propositumque patienter, libenter, gaudenter omnia, quantumuis molesta, aspera, sensualitati, propriæ existimationi, immò ipsis etiam naturæ omnimodo contraria de paterna Dei manu acceptandi, maximè instante occasione tale quid patiendi.

VI;

De consilio Iudeorum contra Christum habito. Matth. 26.

I. **C**hristus clarè intuens inuidiam, malignitatem, rabiemque in necem suam conspirantium, proditorum Iudæ animum, totumque instantis passionis successum, iterum præmonuit discipulos, inquiens, *Sciatis quia*

Matt. 26.